

Bibliothèque numérique

medic@

Bousquet, Jean-Bernard - candidat /  
Piet, Guillaume-Louis - président. - De  
fractâ femoris ossis cervice

1782.

*Paris : Parisiis, Typis Michaelis  
Lambert, Regii Chirurgiae  
Collegii necnon Academiae  
Typographi, viâ Cithareâ  
Cote : ms 2345, n°9*

1782



0 1 2 3 4 5 6 7 8 9 10





D. O. M.

---

**T H E S E S**

DE FRACTÂ

**FEMORIS OSSIS CERVICE**

QUAS Antiquis referendas habeat grates Chirurgia, notum s  
nubilam sparserunt primo lumine scientiam; horum studii;  
& labore distinctæ sunt morborum series, evoluta discrimi-  
na, unicuique tributa signa, in Therapeia denique stratum iter.  
At quot emendanda, quot invenienda reliquerunt posteris,

A

2

& quantum in praxi erraverunt! Quod in genere fatendum, ad fractam femoris cervicem præcipue attinet. Hac de fracturæ specie penitus siluerunt, inde illis omnino ignotam fuisse credendum. Non dubium tamen, saltem verisimile, plurimi illis in praxi occuruisse hunc morbum, sed dum nulla apparabat ossis dimotio, proindeque artus non vitiabatur figura, illis ne quidem subolebat fractura. Si vero quid præter naturam in osse percipiebant, quod si dimotum sentiebant, os fractum in luxatum accepisse conjicere est, nec mirum.

Inter neotericos nonnulli, & magni nominis auctores, de illâ morbi specie disertim egerunt: explanare tentârunt diagnosti, sed incertam reliquere. Curationi quoque studium navare non omiserunt; ast tantæ molis est, & indole suâ tam difficilis curatu hic morbus, ut magna inter & expertissimos orta fuerit controversia; quot capita tot sensus erant. Quemcumque apparatus respuerunt hi, & præter quietem & decubitum nil commendarunt, isti perennem laqueorum usum laudavere; alii fascias & apparatus suadebant, machinas alii; tali modo deligationes institui voluerunt illi, tali alio isti; quin & expletam obtineri posse curam negavere plures, & imperfectam tenere satis sit, aiebant; contrâ vero propriâ freti experientiâ alii, totam & perfectam curam obtainendam fore conclamaverunt; partes fractas aptè conferruminatas vidisse se asserebant, immo nullâ ferè cum claudicatione.

Ampla ergo hactenùs supererat futuræ experientiæ materia. Rem tanti momenti dilucidare non neglexerunt novissimi; si ardua primo intuitu visa est diagnosis, & huic ita impenderunt operam, ut horum curâ & beneficio plerumque pateat, raroque expertum fugiat. Quantum quoque illorum indagini debet fracturæ femoris colli curatio: medendi ritum hos edocuit usus & observatio. Horum eximiis utamur inventis, &

3

ultrâ progredi si non licet, saltem aptiorem feligamus methodum, & indigitemus. Sed antehac partis figuram fabricamque obiter exponamus.

Omnibus compagis humanæ ossibus, magnitudine præstat os Femoris. Suprà coecyndici, infrà tibiæ ossi alligatur. Quoad supernam articulationem, quæ ad rem nostram speciatim pertinet, notanda veniunt: 1º. caput ossis, 2º. cervix, 3º. duo processus, trochanteres dicti, quorum major, externus & superior γαστὴ Græcis audit.

Ampla, cartilagine obducta, circa verticem levi foveolâ sculpta, ossea sphaera, Femoris est caput. In ossis coxaæ acetabulo, cotyle dicto, recipitur. In adulto pars ossis est continua, in junioribus contigua Epiphysis.

Femoris corpori jungitur caput ope appendicis ossæ, cervix, seu collum dictæ; quæ appendix à basi latoe procedens, dein usque ad medium paululum gracilescens, amplior iterum facta, ad caput obliquè & ferè transversim tendit; indè illam inter & ossis corpus, minor majorve exurgit angulus.

Tuber crassus à cervicis basi extius procedens, in obtusam desinens aciem, major est trochanter; nascitur quoque minor à basi cervicis, sed inferiùs, & posticè.

Caput in articulo receptum retinet ligamentum, in dictâ foveolâ adnatum, ad cavum acetabuli affixum, quod ligamentum rotundum vocant; firmatur hæc articulatio ope alterius ligamenti, orbiculare dicti, quod totum acetabuli marginem complectitur, dein caput omnino circumdat, & ad colli basim pergens, huic firmiter adhæret, sicuti & collo, ad medium circiter usque partem.

A ij

Supernam femoris partem conterminant musculi complures, & plerique crassissimi. Flexores seu elevatores proprii tres, nempè psoas, iliacus, & pectinæus; extensores tres quoque, qui dicuntur glutæi, major, medius, & minimus; abductores quinque, scilicet fascia lata seu membranosus, quadratus, pyriformis, denique gemini superior & inferior; adductores solus triceps; sunt demum rotatores, qui & obturatores dicuntur, duo nempè, internus & externus. Qui omnes musculi, insalutato collo, ad corpus Femoris vel trochanteres attingunt. Horum origo & finis, ab omnibus describuntur Anatomicis; de his itaque fusiùs dicere, laterem esset crudum lavare.

Non raro frangitur appendix illa, caput ossis inter & corpus media, quæ cervix dicitur. Eò fragilior est, quod tota ferè spongiosa sit, & perlevi obtegatur compactâ crustulâ; agrè rumpitur per juventutem, sed facile in annosis, & ratio patet. Sicuti peculiaris est hæc fractura, sic & peculiaris causa, & vulgatior gravis in trochanteres corporis lapsus; non ideo ramen est unica; varios enim percussus, huic fracturæ ansam dedit, constat exemplis. Sic apud Cel. M. Petit (1), cuidam ex alto se pedibus obliquè excipienti, ruptum est femoris collum, sic & alias in genua procidenti. At verò ut ut sit, si non sola causa, saltem frequentior jam allata.

In simplicem, compositam, & complicatam olim hanc fracturam distinxerat antè diem eruptus Cel. M. de Bordegrave; at simplex ut plurimū, inquit, & reverè ferè nunquam secūs. Sive enim frangatur collum propè caput, sive in medio, sive ad trochanteres; sive transversa, sive obli-

(1) Maladie des os. Tome II.

§

qua sit fractura, unica ferè semper est divisio; attamen in frusta abire posse cervicem non negandum, quin & extant exempla, sed per pauca; insuper una frangi possunt unus vel ambo trochanteres, quod semel se vidisse testatur Cel. M. de la Faye (1), & tum dici potest composita.

Quoad complicationem ne pavescas: etenim dum frangitur collum, illi soli impertitur totus percussionis motus, nullusque ferè in circumiacentes partes dividitur; ideoque eò minus dilacerationi patent hæ partes; quod & rationi & experientiæ consentaneum.

Vel illicò secedit pars inferior ossis fracti, sursùm trahitur, & indè decurtatur crus; vel, quod frequentius, contigua remanent fragmenta, & nulla fit secessio: sed exindè, id est, duabus vel tribus elapsis diebus, quin & non rarò quindecim, imò viginti & plus, aut levi & inconsulto motu, aut propriâ & spontali actione muscularum, attrahitur illa pars ossis infima, dimovetur, & ponè os ileum divertitur. Qualiscumque sit eventus, immotum remanet membrum, vehementer tumet, suggillatur cutis, acuti & propè inguen, & in omni superno femoris ambitu pungunt dolores, accenditur febris &c., quæ omnia plūs minusve exardescunt pro variis adjunctis.

Fatendum tamen solâ percussionis violentiâ obrepere posse varia hæc symptomata, aut gravis carnium suggillationis, vel cujuslibet in articulo perturbationis sequela esse; proindeque si contiguæ remanserint partes, nulla, ex horum symptomatum syndrome, desumitur fracturæ colli certa dignatio;

---

(1) In Diff. posth. nondum editâ.

attamen suspicionem movent, reique attendit Chirurgus. Aliquot deinde clapsis diebus, si ad motū facultatem non rediit artus, si dolorem cieat vel levissima motio, & aliundē citō remiserint alia symptomata (1), augetur suspicio. Validior verò fiet, si ad aetatem proiectam jacentis species, si consulas anamnesim, & de modo & specie lapsus inquirenti tibi referatur, in trochanterem graviter lapsum post casum incedere, imò se humo tollere frustā tentasse; quin & his ritè perpensis, vix ullum supererit dubium. Insuper si fortè coeat signum sensile, id est, si utrāque manu apprehenso crure, & variis motibus hinc, indè, rotatimque versato, percipiatur crepus quidam, certior de fracturā Femoris colli evades. Ast cautè hos motus adhibeas, nec iteres, acutis enim doloribus stipatur hæc exercitatio, & aliundē si sit repetita, graviora orientur symptomata, vel orta recrudescunt, ut optimè notat Cel. M. Sabatier. (2)

Dimotum os, & brevius fractum crus, lucidiora perhilere videntur indicia, sed & sunt æquivoca: nam tūm fracturæ tūm luxationis commune fatum; si tamen ponē os ileum prostare sentitur major trochanter, digitis scrutare, partemque contrecta; ultrà trochanteres, si nihil osseum tibi appearat, & hic desinire os judicetur; si caput non promineat, & planè deficere videatur; aliundē non inanc sentiatur acetabulum, osse è contrà refertum, certè fractam esse cervicem abundè liquet; quam tamen encheiresin tibi semper utilem fore ne confidas; quandòque obtinere poterit, sæpe autem irrita,

Grave argumentum pedis apicis situ exhiberi creditur; at quoad hunc situm, quantum dissideant auctores mirum:

---

(1) Cel. M. de la Faye, *loco citato.*  
(2) Acta Acad. Reg. Chir. Tom. IV,

aliis alii penitus adversantur. Juxta Illust. Paré & Cel. M. Petit, dum fracta est femoris cervix, intrà adducitur pedis apex, talemque positum observasse se uterque afferit. Semper è contrà extùs abduci pedis apicem dixit olim, mihi alumno æternum lugendus, Cel. M. Foubert, & contendunt Cel. MM. Louis, Sabatier, & alii complures expertissimi, quod in controversiam vocari posse negant; hunc quidem positum characteristicon esse fracturæ colli typum, dictum est tanquam ex tripode.

At quo fato tam graviter erraverint laudati viri Chirurgiæ immortale decus? Pulveris exigui jactu, hanc litem componere visus est D. Chaussier, (1) dum notat si obliquè in partem sanam cubet femoris cervice fractus, pondere suo introspicere pedis apicem, extrà trahi verò, rectâ supinitate. Quod nodum solvere ne credas: reluctatur enim, & non silenda summi viri auctoritas: refert Cel. M. de la Faye (2) intùs vergentem pedem se semel vidisse, & extrà vel intrà verti pro variâ fracturæ indole & sede opinatur; quod certè auctoris gratiâ notatu dignum, & eo verisimilius, quod huic assentiantur nonnulli inter Chirurgos spectatissimi (3). Hinc colligere liceat, frequentiùs extrà verti pedem, aliquoties tamen intrà.

Diagnosi opitulatus Cel. M. Louis (4) non infirmum ex docto longoque usu excerpit indicium: notat dum fracta est femoris cervix, cruris fracti ab alio divaricationem ægrè, magnoque & pungente cum dolore ferri, contrà verò sine molestiâ, imò nonnullo cum solatio ad sanum admoveri:

(1) In Dissert. cuius Reg. Chir. Acad. copiam fecit.

(2) Loc. cit.

(3) MM. Brasdor, Veyret, & alii.

(4) Act. Acad. Reg. Chir. T. IV.

Quanti sit momenti hæc adnotatio, abhinc patefecit experientia, & inter plura, aliud est eximii viri, erga Chirurgiam meritum.

Coronidis loco adjiciendum fracturam femoris colli à luxatione externâ discerni posse, ex eo quod dum proprio acetabulo extruditur ossis caput, valde resistit cuilibet moventi crus, doloresque acutissimos provocat quodlibet tentamen; in fracturâ verò cervicis, facile & ad libitum moveretur artus, indèque longè minores nascuntur dolores. Aliundè varia sunt luxationi propria symptomata quæ fracturæ cervicis non convenient.

Dignotâ Femoris colli fracturâ, quænam est prognosis? Hanc definire, & quidquid asserere pavebit prudens cautusque Chirurgus; tam vario ritu ludit natura. Coalescent-ne partes fractæ, nec-ne? Si ad situm hujus appendicis ossæ, & fabricam attendas, in dubio versaberis. Ratione sitûs: in omni longorum & cathetorum ossium fracturâ, splenæ, fasciæ, omnis denique apparatus, ad figuram partis se accommodant, fractum os immediate circumdant, & ita coercent ut stabiliter coeant fragmenta. Non item in fracturâ femoris colli: horizontalis ferè est pars illa, illamque circumcingere non datur; neque adhibenda veniunt media, quæ obtinent in aliis ossibus transversim sitis, ut costæ & clavicula. Femoris corpus comprehendunt fasciæ, &c. sed pusillum, ne dicam nullatenus, in cervicem agunt. Proindeque si institutæ deligationis pressioni non omnino se subducit illa appendix, saltem partes fractas continere impar est apparatus, & potissimum infimam, validis jugiter musculis sursum accitam; ideoque in statum revocatas partes, difficillimè stabiliri intelliges. Hinc totiès observatum nihil successisse varios partes coercendi ritus, & unâ quaque die paulopost solertiori arte

9

arte appositam deligationem, Chirurgi curam elusisse, &  
subrepsisse partem infimam.

Si ægerrimè cohibentur partes fractæ, & apprimè retentis,  
œheu! quid frugis esset? Obtinenda superest conferruminatio,  
quod sæpiissimè, ne dicam semper, incassum, si quidem obstat  
propria ossis fabrica. Etenim si fracta vulgo coalescunt ossa,  
tam faustus quidem debetur eventus succis ad coalitionem  
idoneis, quos advehunt vasa sanguifera; vasa hæc carnes  
ambientes irrorant, & ex his infiniti numero rami os su-  
beunt, intimamque ejus substantiam perreptant; sunt illæ  
carnes musculi, textus cellularis, & periosteum; quæ cuncta  
microcosmi ossa, paucis exceptis, abundè circumvestiunt,  
vel saltem quoad musculos, proximè attingunt. Quod pror-  
sùs desideratur in femoris cervice: nullus est conterminus  
musculus, nulla cellularis tela, tenue, laxum, & vasis carens  
periosteum, ligamentosa denique capsula exanguis. Unde,  
his positis, devenient succi recreatores? Per pauca illos  
suppeditare valent vasa; rari erunt ergo, & tali Provinciæ  
impares. Præterea in articulatione comprehenditur femoris  
cervix, & synoviâ ditione hæc articulatio; continuò fluxu  
proluens hæc synovia non potest non huic adventitio succo  
admisceri, non illum adulterare. Quid indè? Coalitioni erit  
incongrua hæc mixtura, debilitabitur succus reector, & eò  
evadet languens, & conferruminationi minus aptus (1),  
quod experientiâ constat; hinc enim illæ mucosæ concretiones,  
in cadaveribus multò post colli fracturam defunctorum repertæ,  
utriusque succi mixturâ profectò oriundæ.

Ex dictis patet, insuper probat iterata observatio, ægerrimè  
conferruminari fractam femoris cervicem; quin & ni perpaucis

---

(1) Cel. M. de la Faye, loc. cit.

admodum exemplis coalitam fuisse constaret, tam amico unquam uti posse fato, prorsus negare liceret, inter mille unum. Quid ergo præagiendum? Paucis dicam, conferruminanda fore fracti ossis fragmenta, cui sperare licebit? Rara non sunt artis. Æger convalescet, sed claudicabit, usque claudicaturus; & hæc est mera & sincera prognosis, & propitior; etenim neminem latet à fracturâ femoris colli pejora oriri posse conjectaria. Non-ne scilicet exesa fuit tota illa appendix & funditus deleta? Alias orta est substantia cujusdam ligamentosæ species, inter caput ossis & corpus cervicem mentiens. Quot denique varia phænomena in veterarum cadaveribus, antea femoris colli fractarum, sunt olim visa à Chirurgo quodam Batavo; cuius meminit usque laudandus Cel. M. Louis (1). His addas quod memorat in praxi Chirurgicâ insignis Cel. M. Sabatier (2), in femoris cervice fractorum, octo vel decem post menses febre lentâ, & tabe interemptorum cadaveribus, sanguine aut purulentâ sanie sordidum reperit articulum.

Jam quid de curâ sentiendum prostat: curationi præ se fert obices morbi genus, ideoque irrita sunt plerumque partes coercendi tentamina, nec succedunt machinæ qualescumque, & de coalitione ferè desperandum. Non ergo crimen artis est, quod corrigere nefas. His itaque positis, faciet ne periculum Chirurgus, vel asymbolus de jure suo discedet? Si tentare juvat, quænam erit ratio? Hæc perpendere fas sit. Non respuenda sanè artis auxilia; namque ni in statum naturalem reducerentur partes, deteriorem fore exitum patet. In statum revocandi partes usque colendi præceptoris mei congruam methodum, adhibendasque cautelas, exhibuit to-

---

(1) Act. Acad. Reg. Chir. T. IV.

(2) Ibid.

ties laudatus Cel. M. Sabatier (2); hujusque placitis nihil sane addendum superest. Juxta hunc ritum reducantur ergo partes fractae. Notandum tamen, si acutissimi sentiantur dolores, intensa sit suggillatio, & vehementer tumeat artus, procrastinandum esse opus, & primò debellanda adjuncta, ut suadet Cel. M. de la Faye (1); quæ si vero desint symptomata, vel remiserint, citò te accingas. At quis deinde erit apparatus? Hanc quam vocant *spicam*, deligationem laudarunt prioris ævi Chirurgi, queis innotuit fractura femoris colli, dudumque obtinuit; quam autem cum imparem, imo & multis modis noxiā videret jam laudatus Cel. M. Foubert ablegavit, & nemine dissentiente, obsolevit hic modus; varias præse fert noxas laqueorum perennis usus; molesta est Cel. M. Bellocq machina; impar est à Cel. M. de la Faye tam celebrata pyxis; uno verbo nulla hūc usque scopum attigit methodus, & revera nil obstat nec obstare potest, quin dimoveantur partes, & sursum petat inferius fragmentum. Quo planè cognito reducantur partes, vittis leniter stabiliantur positæ ante ferula, vulgo *fanons*, pondus straguli sustineat machina circulata, demum addatur pro more solea; nec ultra progrediendum, alias alia fuscipienda venient.

Non omittendum sane arcenda esse symptomata; celebretur phlebotome, & pro ratione iteretur; adhibendi fatus tum chalastici, tum pro re natâ resolventes, & congrua præcipiatur diæta, &c. Dein ægro pervigilet Chirurgus, & si unâ quâque die discedunt partes, unâ quâque die indefessim renovanda diaplasia. Fausta tandem elucescat dies & promissa; diutino scilicet elapso tempore, id est, viginti cir-

(1) Loc. cit.

(2) Loc. cit.

OBJEQUENTISSIMUS  
R. M. Sagner Dispergicet.

cum circa diebus, jam quiescent musculi, remittet spasmus,  
 & stabile erit membrum; tum attrita & exesa asperitates  
 fragmentorum, mutuo utrinque contactui indulgebunt,  
 paulatim sibi accommodabunt hæc fragmenta, & si quoquo  
 modo contineantur partes, id est tenui juvante apparatu de  
 quo supra, & faventibus diuturnâ cubatione & quiete,  
 nova taliscumque exurget articulatio, non stabilis certè nec  
 solida, sed sufficiet, ut hinc tribus, quatuorve, aut plus, efflu-  
 xis mensibus, incedere suscipiat æger, initio baculis suffultus,  
 dein baculos mittat, & temporis lapsu firmior fiat, stet  
 & ambulet, sed ut dictum claudicans. Non tamen inelucta-  
 bile fatum; sedulâ enim Chirurgia curâ & arte res aliter  
 se habere poterit; partes coercere forsan ab initio fas erit;  
 quibus adversis sibi diu retentis, & aliundè beneficâ juvante  
 naturâ, solidus temporis lapsu gignetur callus, & perfecta  
 fiet conferruminatio, quod aliquoties successisse constat,

*has theses deo duce, & preside M. GUILLELMO-*  
*LUDOVICO PIET, Regio Chirurgorum Parisiensium Acade-*  
*mie Consiliario, antiquo Scholarum Preposito, agrè partu-*  
*rientibus egenis, Regio diplomate, Adjutore constituto, tueri*  
*conabitur JOANNES-BERNARDUS BOUSQUET, Forouj-*  
*lienfis, Artium liberalium in almâ Universitate Parisiensi*  
*-Magister, Doctor Medicus Rhemensis, necnon Augustissimi*  
*Principis, MONSIEUR, Regis Fratris, Chirurgus, Theseos auctor.*

*Die Martis 18 Junii, anno Salutis 1782, à sesqui-secundâ*  
*post meridiem ad septimam.*

**PRO ACTU PUBLICO**  
**ET SOLEMNI COOPTATIONE.**

*Parisiis, typis MICHAELIS LAMBERT, Regii Chirurgiax*  
*Collegii necnon Academiæ Typographi, via Cithareæ,*